



Na osnovu člana 15. stav (1), tačka a) Zakona o odbrani BiH („Službeni glasnik BiH“, broj: 88/05), a u skladu sa članom 16., 17. i 18. Pravilnika o školovanju kadeta i vojnih stipendista, broj: 10-02-3-1550-41/18 od 26.04.2019. godine, Odluke o kriterijima i načinu bodovanja i rangiranja kandidata za kadete OS BiH na vojnim akademijama u inostranstvu, broj: 10-33-2-232-81/23 od 06.12.2023.godine, a u cilju odabira kandidata/kinja za školovanje na Vojnim akademijama u inostranstvu, Ministarstvo odbrane BiH, raspisuje:

JAVNI KONKURS

za školovanje kadeta na Vojnoj akademiji „General Mihailo Apostolski“ Republika Sjeverna Makedonija za školsku 2025/2026. godinu

I – PREDMET KONKURSA

Ministarstvo odbrane Bosne i Hercegovine, raspisuje Javni konkurs za školovanje šest kadeta na Vojnoj akademiji „General Mihailo Apostolski“ Republika Sjeverna Makedonija za školsku 2025/2026. godinu. Školovanje započinje kao opšti smjer, a nakon druge godine školovanja, Ministarstvo odbrane Bosne i Hercegovine će odrediti rod/službu u daljem školovanju na osnovu postignutih uspjeha kadeta, kao i potreba Oružanih snaga BiH.

II – USLOVI KONKURSA

- 1. Opšti uslovi** su propisani članom 9. Zakona o službi u Oružanim snagama BiH („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18):
 - a) da je državljanin Bosne i Hercegovine,
 - b) da je zdravstveno sposoban za službu u oružanim snagama,
 - c) da nije osuđivan na bezuslovnu kaznu zatvora u trajanju dužem od šest mjeseci,
 - d) da nije prethodno otpušten iz državne službe ili pravnog lica zbog povrede službene dužnosti u posljednje tri godine,
 - e) da se protiv njega ne vodi krivični postupak za krivično djelo za koje se goni po službenoj dužnosti,
 - f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
 - g) da ima odgovarajuću stručnu spremu potrebnu za obavljanje određene dužnosti (uslov koji će biti ispunjen po završetku vojne akademije).

- 2. Posebni uslovi:**
 - a) završena srednja škola IV stepen ili da trenutno pohađa IV razred srednje škole,
 - b) da je postigao/la ukupan uspjeh tokom školovanja najmanje dobar,
 - c) kandidati/kinje koji trenutno pohađaju IV razred srednje škole, po završetku istog moraju odmah, a ne kasnije od 21.06.2025. godine, dostaviti ovjerene kopije svjedočanstva i diplome, preporučeno putem poštanske službe na adresu Ministarstva odbrane Bosne i Hercegovine,

- d) kandidati/kinje koji trenutno pohađaju IV razred srednje škole po završetku istog, moraju u svjedočanstvu IV razreda imati isti ukupan prosjek ocjena kao i u svjedočanstvu sa polugodišta četvrtog razreda koje su predali u dokumentima za prijavu na Javni konkurs. Ministarstvo odbrane BiH zadržava pravo na prekid postupka upućivanja kandidata/kinje za kadeta na školovanje ukoliko lice nema minimalno isti prosjek kao i na polugodištu četvrtog razreda,
- e) da nije mlađi/a od 18 i stariji/a od 22 godine na dan 30.09.2025. godine,
- f) poznavanje engleskog jezika (test ALCPT - minimalno 60 bodova),
- g) poznavanje rada na računaru (Word, Excel, Power Point, Internet),
- h) fizička spremnost: kandidati/kinje moraju imati dobru fizičku spremnost, koja će se provjeriti kroz sledeće discipline:

- I Trčanje - na 1600 metara za 8 minuta za muškarce, odnosno 800 metara za 6 minuta za žene,
- II. Trbušnjaci – minimalno 25 ponavljanja za 2 minute (i za muškarce i za žene),
- III. Skok u dalj iz mjesta - minimum 180 centimetara za muškarce, odnosno minimum 120 centimetara za žene,
- IV. Zgibovi na vratilu - muškarci 3 zgiba, a žene zadržavanje u zgibu minimalno 3 sekunde.

Napomene:

1. Kandidati prijavljeni na Javni konkurs proći će test fizičke spremnosti, psiho test, test opšteg znanja, test poznavanja engleskog jezika i intervju.
2. Rangiranja kandidata vršiće se na osnovu kriterija odobrenih od strane ministra odbrane Bosne i Hercegovine i sa kojima će biti upoznati kandidati, koji budu pozvani na testiranja i provjere. Posebno će biti izvršeno bodovanje općeg uspjeha i bodovanje prosjeka ocjena iz matematike. Kandidati sa boljim općim i uspjehom iz matematike imat će prednost prilikom izbora.
3. Eliminacioni uslovi za prijem na vojne akademije su uspješno položeni: psiho test, test fizičke sremnosti, test engleskog jezika i ljekarski pregledi. U slučaju istog broja bodova po provedenom postupku izbora kandidata, prednost ima kandidat pola koji je manje zastupljen u OS BiH.
4. Sigurnosnu provjeru za svakog uspješnog kandidata izvršiće nadležni sektor Ministarstva odbrane Bosne i Hercegovine, a zdravstveni pregled kandidata, koji uspješno prođu testiranje, obaviće nadležna ustanova u organizaciji Ministarstva odbrane Bosne i Hercegovine.

III – ŠKOLOVANJE, PRAVA I OBAVEZE

1. Školovanje kadeta na Vojnoj akademiji u R. Sjevernoj Makedoniji traje četiri godine.
2. Odabrani kandidati/kinje imaće status kadeta, čija će prava i obaveze biti regulisane u skladu sa Zakonom o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18), Zakonom o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17, 25/18, 32/20 i 65/20), Pravilnikom o školovanju kadeta i vojnih stipendista („Službeni glasnik BiH“, broj 34/19) i Ugovorom o školovanju.
- 3 Po završetku školovanja, kadeti će biti primljeni u profesionalnu vojnu službu u početnom činu oficira Oružanih snaga Bosne i Hercegovine potporučnik odgovarajućeg roda/službe.

4. Međusobne obaveze kandidata/kinja izabranog/ne za školovanje na Vojnoj akademiji „General Mihailo Apostolski“ Republike Sjeverne Makedonije i Ministarstva odbrane Bosne i Hercegovine, regulišu se Ugovorom o školovanju.
5. Za vrijeme školovanja kadetima su osigurani smještaj i ishrana u internatu vojno razovne ustanove na koju se kadet/kinja upućuje.

IV - POTREBNI DOKUMENTI

- a) Potpisana prijava i lični (biografski) podaci isključivo po obrascima ponuđenim na www.mod.gov.ba.
- b) Ovjerene kopije svjedočanstava svih razreda srednje škole.
- c) Ovjerena kopija diplome četverogodišnje srednje škole odnosno, svjedočanstva sa polugodišta četvrtog razreda ukoliko lice pohađa četvrti razred, s tim da je kandidat/kinja u obavezi naknadno dostaviti ovjerene kopije svjedočanstva i diplome četvrtog razreda, gdje prosjek ocjena ne smije biti manji od prosjeka ocjena sa polugodišta četvrtog razreda.
- d) Ovjerenu kopiju nostrifikovane diplome i ekvivalencije svjedočanstava razreda završenih u inostranstvu od strane nadležnog organa, original ili ovjerenu fotokopiju, ukoliko je kandidat/kinja pohađao/la ili završio/la školu u inostranstvu.
- e) Original ili ovjerena kopija Uvjerenja o državljanstvu, ne starije od šest mjeseci od dana izdavanja, (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog).
- f) Original ili ovjerena kopija izvoda iz matične knjige rođenih trajnog karaktera.
- g) Original ili ovjerena kopija Uvjerenja da se ne vodi krivični postupak, niti da je **potvrđena** optužnica, ne starije od tri mjeseca od dana izdavanja od strane nadležnog suda (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog).
- h) Izjava kandidata/kinje da u posljednje tri godine nije otpušten/a sa posla zbog povrede službene dužnosti, ovjerena kod nadležnog opštinskog organa (isključivo po obrascu ponuđenom na www.mod.gov.ba).
- i) Original ili ovjerena kopija dokaza o prebivalištu (CIPS), izdat od strane nadležnog organa, ne stariji od tri mjeseca od dana izdavanja (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog).
- j) Dokaz o poznavanju rada na računaru:
 - Kandidati/kinje koji/e tokom školovanja na srednjoj školi nisu imali/e predmet informatika dostavljaju certifikat ili potvrdu, o kojima se vodi službena evidencija o poznavanju rada na računaru (ove akte izdaju državni organi ili nedržavni subjekti, u skladu sa podacima iz službene evidencije koje imaju karakter javne isprave, ukoliko te poslove obavljaju na osnovu javnog ovlaštenja).
 - Kandidati/kinje koji/e su tokom školovanja u srednjoj školi imali/e predmet informatika, kao dokaz mogu dostaviti: ovjerenu kopiju svjedočanstva.
- k) Saglasnost za obradu biografskih podataka/informacija za potrebe procesa konkurisanja na vojne akademije (isključivo po obrascu ponuđenom na www.mod.gov.ba).

Napomena: Kandidati/kinje koji ne budu izabrani u procesu odabira omogućava se preuzimanje ličnih dokumenata koji su dostavljeni u procesu prijema u roku od 30 dana od donošenja konačne odluke ministra odbrane BiH o izboru kandidata.

V - ODABIR KANDIDATA

Odabir kandidata/kinja izvršiće Komisija koju će formirati ministar odbrane Bosne i Hercegovine.

Testiranju kandidata mogu prisustvovati ovlaštena lica države prijema, po njihovom zahtjevu.

VI - PRIJAVA NA JAVNI KONKURS

Prijava sa potrebnim traženim dokumentima predaje se preporučeno putem poštanske službe na adresu:

Ministarstvo odbrane Bosne i Hercegovine

ul. Hamdije Kreševljakovića 98

71 000 Sarajevo

Sa naznakom „Javni konkurs za školovanje kadeta na Vojnoj akademiji u Republici Sjevernoj Makedoniji.“

Konkurs ostaje otvoren 15 dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave.

Neblagovremene prijave kandidata i prijave koje nisu dostavljene preporučenim putem neće se uzeti u razmatranje.

Ukoliko u prijavi i dokumentaciji postoje formalni nedostaci (nepotpuna i neuredna prijava i dokumentacija) lice se poziva da u roku od pet dana ispravi navedene formalne nedostatke i dostavi potrebnu dokumentaciju, u skladu sa Zakonom o upravnom postupku BiH.

Broj: 10-33-2-1037-3/25
Sarajevo, .04.2025. godine

MINISTAR

Zukan Helez